



---

Broj: 02/3-50-8-24-3,5/15  
Sarajevo, 18. 5. 2015.

**IZVJEŠTAJ O RADU**  
**KOMISIJE ZA FINANSIJE I BUDŽET DOMA NARODA**  
**PARLAMENTARNE SKUPŠTINE BiH**  
**ZA PERIOD OD 1. 1. 2014. DO 31. 12. 2014. GODINE**

Sarajevo, maj 2015. godine

## SADRŽAJ

POGLAVLJE I. UVODNI DIO.....	3
Tabela 1. Pregled sjednica Komisije s tačkama dnevnog reda .....	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti .....	5
Odjeljak B. Razmatranje pitanja koja se odnose na Centralnu banku BiH .....	5
Odjeljak C. Razmatranje pitanja koja se odnose na izvršenje i nadzor nad izvršenjem budžeta BiH .....	6
Odjeljak D. Razmatranje pitanja koja se odnose na Izvještaj Ureda za reviziju institucija BiH (izvještaja o finansijskom poslovanju institucija BiH.....	6
Odjeljak E. Nadležnost Komisije prema članu 6. Zakona o reviziji institucija BiH .....	6
Odjeljak F. Aktivnosti vezane za razmatranje i usvajanje ostalih akata.....	7
Odjeljak G. Saradnja s drugim institucijama i organizacijama, seminari, konferencije i radni sastanci.....	8
POGLAVLJE III. SAŽETAK.....	9

Na osnovu člana 27. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj 58/14), Komisija za finansije i budžet podnosi Domu naroda Parlamentarne skupštine BiH

**Izvještaj o radu  
Komisije za finansije i budžet Doma naroda Parlamentarne skupštine BiH  
za period od 1. 1. 2014. do 31. 12. 2014. godine**

## **I. UVODNI DIO**

Komisija za finansije i budžet Doma naroda Parlamentarne skupštine BiH (u daljnjem tekstu: Komisija) stalno je radno tijelo Doma naroda Parlamentarne skupštine BiH (u daljnjem tekstu: Dom naroda).

Djelokrug Komisije određen je članom 28. Poslovnika Doma naroda („Službeni glasnik BiH“, br. 33/06, 41/06, 91/06 i 91/07)<sup>1</sup>, prema kojem Komisija razmatra pitanja koja se odnose na: Centralnu banku, bankarstvo osim bankarske politike, vanjski dug, finansiranje institucija BiH - oporezivanjem, akumulacijom duga ili drugih sredstava, funkcioniranje finansijskih institucija na nivou Bosne i Hercegovine, propise iz oblasti finansija i budžeta, razmatranje, izvršenje i nadzor nad izvršenjem budžeta BiH, razmatranje izvještaja iz člana 168. stav (2), razmatranje odluka o akumulaciji duga, javnim zajmovima i drugim finansijskim obavezama Bosne i Hercegovine, izvještaja Ureda za reviziju institucija BiH i druga pitanja iz oblasti finansija i budžeta u skladu s Poslovníkom Doma naroda.

Komisija je zasnovala aktivnosti na Orijetacionom radnom planu Komisije za 2014. godinu, te obavljala poslove iz svoje nadležnosti u skladu s procedurama utvrđenim Poslovníkom Doma naroda.

U izvještajnom periodu Komisija je održala sedam sjednica, s ukupno 32 tačke dnevnog reda, u okviru kojih je usvojila devet izvještaja, četiri mišljenja i 203 zaključka (od kojih se 190 zaključaka odnosi na revidirane institucije iz 2013. godine).

Sjednicama Komisije prisustvovalo je u prosjeku 65% članova, uz napomenu da zbog opravdanih okolnosti (bolest) jedan član Komisije nije prisustvovao većini sjednica u 2014.godini.

---

<sup>1</sup> Napominjemo da je Poslovník koji je naveden prestao važiti, a naveli smo ga zbog nadležnosti koje su u izvještajnom periodu bile mjerodavne za rad Komisije.

**Tabela 1. Pregled sjednica Komisije s tačkama dnevnog reda**

<b>Broj i datum održavanja sjednice</b>	<b>Broj tačaka dnevnog reda razmatranih na sjednici</b>	<b>Broj članova prisutnih sjednicama Komisije</b>	<b>Broj članova odsutnih sa sjednica Komisije</b>
<b>33. sjednica</b> 24.1.2014.	4	5	1
<b>34. sjednica</b> 28.4.2014.	7	4	2
<b>35. sjednica</b> 6.6.2014.	4	6	1
<b>36. sjednica</b> 10.7.2014.	8	6	0
<b>37. sjednica</b> 25.7.2014.	2	6	0
<b>38. sjednica</b> 5 .9.2014.	5	5	1
<b>39. sjednica</b> 10 .9.2014.	2	4	2
<b>Ukupan broj sjednica: 7</b>	<b>Ukupan broj razmatranih tačaka: 32</b>	<b>Prosjeak prisutnih: 5</b>	<b>Prosjeak odsutnih: 1</b>

## II. IZVJEŠTAJ O AKTIVNOSTIMA KOMISIJE

### Odjeljak A. Zakonodavne aktivnosti

U skladu s nadležnostima Komisije utvrđenim Poslovnikom o radu Doma naroda Parlamentarne skupštine BiH, u navedenom periodu Komisija je razmatrala **jedan prijedlog zakona** u prvoj i drugoj fazi u komisiji, koji je usvojen u Domu naroda PSBiH, te **jedan prijedlog zakona** u prvoj fazi u komisiji.

Razmatrani su sljedeći prijedlozi zakona:

- 1) Prijedlog zakona o javnim nabavkama, *predlagač: Vijeće ministara BiH - prva i druga faza u komisiji;*
- 2) Prijedlog zakona o utvrđivanju visine plaće zaposlenika u institucijama BiH, *predlagač: Predstavnički dom PSBiH- prva faza nije okončana (traženo dodatno mišljenje od Vijeća ministara BiH-Ministarstva finansija i trezora BiH).*

Za zakon razmatran u prvoj fazi u komisiji izrađeno je i dostavljeno mišljenje Domu naroda, a za zakon razmatran u drugoj fazi u komisiji izrađen je i Domu naroda pravovremeno dostavljen izvještaj.

Za zakon razmatran u drugom čitanju pravovremeno su obavljene sve aktivnosti u vezi s podnošenjem amandmana, počevši od zaprimanja amandmana, usaglašavanja između podnosilaca, te usvajanja zakona u identičnom tekstu.

***Napomena:** Komisija za finansije i budžet Doma naroda zaprimila je 15.3.2014. Prijedlog zakona o izmjenama i dopunama Zakona o finansiranju institucija BiH, koji nije razmatrala jer nije dobio potrebnu većinu u Predstavničkom domu PSBiH.*

*Komisija nije, u skladu s Orijentacionim radnim planom Komisije za 2014., razmatrala Zakon o budžetu institucija BiH i međunarodnih obveza BiH za 2015., s obzirom da nije stigao u parlamentarnu proceduru, te je na snazi privremeno finansiranje institucija BiH za period januar - mart 2015. godine.*

### Odjeljak B. Razmatranje pitanja koja se odnose na Centralnu banku BiH

Iz svoje nadležnosti Komisija je razmatrala:

1. Finansijski izvještaj Centralne banke BiH za 2013. godinu,
2. Godišnji izvještaj Centralne banke BiH za 2013. godinu.

U okviru ove aktivnosti Komisija je usvojila navedene izvještaje, te je Domu naroda dostavila Izvještaj, koje je Dom naroda usvojio na 39. sjednici, održanoj 10.7.2014.

### **Odjeljak C. Razmatranje pitanja koja se odnose na izvršenje i nadzor nad izvršenjem budžeta BiH**

Iz svoje nadležnosti Komisija ima obavezu razmatrati:

1. Izvještaj o izvršenju Budžeta institucija BiH i međunarodnih obaveza BiH za 2013. godinu;
2. Izvještaj o reviziji Izvještaja o izvršenju Budžeta institucija BiH za 2013. godinu;
3. Izvještaj o izvršenju Budžeta institucija BiH i međunarodnih obaveza BiH za period januar-juni 2014. godine.

*Napominjemo da Komisija u izvještajnom periodu nije razmatrala navedene akte, jer su relativno kasno zaprimljeni, a Komisija nije održavala sjednice nakon Općih izbora 2014. godine.*

*Navedeni izvještaji bit će predmet rasprave Komisije u novom sazivu PSBiH 2014.-2018.*

### **Odjeljak D. Razmatranje pitanja koja se odnose na Izvještaj Ureda za reviziju institucija BiH (izvještaja o finansijskom poslovanju institucija BiH)**

Komisija je iz svoje nadležnosti razmatrala Izvještaj Ureda za reviziju intitucija BiH o finansijskom poslovanju institucija BiH za 2013. godinu (72 institucije).

Komisija je usvojila Izvještaj o razmatranim revizorskim izvještajima Ureda za reviziju institucija Bosne i Hercegovine za 2013. godinu s prijedlogom zaključaka, te ga dostavila na razmatranje Domu naroda PSBiH.

Dom naroda PSBiH usvojio je navedeni izvještaj na 41. sjednici, održanoj 10. 9. 2014.

### **Odjeljak E. Nadležnosti Komisije prema članu 6. Zakona o reviziji institucija BiH**

U skladu s članom 6. Zakona o reviziji institucija BiH, Komisija je razmatrala:

1. Izvještaj o aktivnostima Ureda za reviziju institucija BiH za 2013. godinu;
2. Tromjesečni finansijski Izvještaj Ureda za reviziju institucija BiH na dan 31.3.2014.;
3. Šestomjesečni finansijski izvještaj Ureda za reviziju institucija BiH na dan 30. 6. 2014.;
4. Nacrt budžeta Ureda za reviziju institucija BiH za 2015. godinu.

U okviru ove aktivnosti Komisija je usvojila navedene izvještaje, kao i Nacrt budžeta Ureda za reviziju institucija BiH.

*Napominjemo da Komisija nije razmatrala Devetomjesečni finansijski Izvještaj Ureda za reviziju institucija BiH na dan 31. 9. 2014., jer je zaprimljen u novembru 2014. godine, a Komisija nije održavala sjednice nakon Općih izbora 2014. godine. Navedeni izvještaj bit će predmet rasprave Komisije u novom sazivu PSBiH 2014.-2018.*

## **Odjeljak F. Aktivnosti vezane za razmatranje i usvajanje ostalih akata**

U okviru ostalih aktivnosti iz njene nadležnosti, Komisija je razmatrala:

1. Izvještaj o radu Komisije za finansije i budžet Doma naroda za 2013. godinu;
2. Orijentacioni radni plan Komisije za finansije i budžet za 2014. godinu;
3. Izvještaj o radu Ureda za razmatranje žalbi za 2013. godinu;
4. Izvještaj o radu Ministarstva finansija i trezora BiH za 2013. godinu;
5. Izvještaj o radu Uprave za indirektno oporezivanje BiH za 2013. godinu;
6. Izvještaj o radu Agencije za javne nabavke BiH za 2013. godinu;
7. Informaciju o stanju javne zaduženosti BiH na dan 31. 12. 2013.;
8. Izvještaj o reviziji učinka o temi „Rezultati reforme javne uprave“;
9. Izvještaj o reviziji učinka o temi: „Efikasnost FIPA-e u privlačenju stranih investicija u BiH“;
10. Izvještaj o reviziji učinka o temi: „Praćenje realizacije preporuka revizije učinka“;
11. Izvještaj o reviziji učinka o temi: „Pretpostavke za efikasniji rad Agencije za prevenciju korupcije i koordinaciju borbe protiv korupcije“
12. Izvještaj o reviziji učinka o temi: „Upravljanje ugovorima o djelu i ugovorima o privremenim i povremenim poslovima u institucijama BiH“;
13. Izvještaj o reviziji učinka o temi: „Telekomunikacijska rješenja u institucijama BiH“;
14. Realizacija zaključaka Komisije za finansije i budžet prema revizorskim izvještajima institucija BiH koje su imale mišljenje s rezervom za 2012. godinu;
15. Plan razmatranja revizorskih izvještaja o finansijskom poslovanju institucija BiH za 2013. godinu.

U vezi sa svim spomenutim aktivnostima, Komisija je donijela odgovarajuće akte kojima je navedene materijale usvajala ili primala k znanju.

*Napominjemo da Komisija nije razmatrala Godišnji plan Ureda za reviziju institucija BiH za 2014./2015., jer je zaprimljen u novembru 2014. godine, a Komisija nije održavala sjednice nakon Općih izbora 2010. godine.*

*Navedeni izvještaj bit će predmet rasprave Komisije u novom sazivu PSBiH 2014.-2018.*

## **Odjeljak G. Saradnja s drugim institucijama i organizacijama, seminari, konferencije i radni sastanci**

Ostvarena je stalna komunikacija i veoma uspješna saradnja sa svim relevantnim institucijama čija se oblast djelovanja podudara s nadležnostima Komisije. Ta saradnja se, prije svega, odnosi na: Vijeće ministara BiH, Ministarstvo finansija i trezora BiH, Upravu za indirektno oporezivanje BiH, Centralnu banku BiH, Agenciju za javne nabavke BiH, Ured za razmatranje žalbi BiH i Ured za reviziju institucija BiH.

Predstavnici navedenih institucija redovno su i pravovremeno obavještavani o radu Komisije, te su redovno učestvovali na sjednicama kada su razmatrane tačke dnevnog reda, odnosno materijali iz njihove nadležnosti.

Osim toga, ostvarena je veoma dobra komunikacija, saradnja i koordinacija s drugim komisijama, sve s ciljem pravovremenog i efikasnog obavljanja aktivnosti iz nadležnosti Komisije.

Važno je istaći i stalnu saradnju s timom USAID-a, u okviru Projekta USAID-a „Projekat jačanja institucija vlasti i procesa (SGIP) u BiH”, s kojima su održavani radni sastanci, kao i saradnju s Misijom OSCE-a u BiH.

Nastavljena je saradnja i s drugim međunarodnim organizacijama i nevladinim sektorom u BiH.

Član Komisije Krunoslav Vrdoljak i sekretar Komisije Robert Vidović učestvovali su na regionalnoj konferenciji o temi: „Državna pomoć, konkurentnost i direktna strana ulaganja“, koja je, u organizaciji Vestminsterske fondacije za demokratiju, održana 3. i 4. 3. 2014. u Beogradu.

Član Komisije Mehmed Bradarić i sekretar Komisije Robert Vidović učestvovali su na konferenciji o temi: „Rast zaposlenosti na putu ka obnovi“, koja je, u organizaciji Ministarstva vanjskih poslova BiH i Svjetske akademije nauke i umjetnosti, održana 1. 7. 2014. u Sarajevu.

Sekretar Komisije učestvovao je na više radnih sastanka i obuka, o čemu je pravovremeno izvještavao Komisiju, a što će biti detaljnije navedeno u Izvještaju o radu Ureda sekretara Komisije.



### **POGLAVLJE III. SAŽETAK**

Na osnovu navedenih aktivnosti, može se zaključiti da je Komisija u domenu zakonodavne aktivnosti, kao i ostalim aktivnostima, gotovo u potpunosti realizirala postavljene zadatke, osim onih opravdanih izuzetaka koji su detaljnije navedeni u Izvještaju i nisu realizirani iz razloga navedenih u Izvještaju, a bili su predviđeni Orijentacionim radnim planom Komisije za 2014. godinu.

Komisija će i u narednom periodu nastojati maksimalnim angažiranjem doprinosti poboljšanju cjelokupne situacije u oblastima za koje je nadležna.

Može se konstatirati da je rad Komisije u 2014. godini u odnosu na prethodni izvještajni period bio na istom nivou.

Predsjedavajuća  
Komisije za finansije i budžet  
Ljilja Zovko